



Eavttut mo beroštusovddasteaddjiid nammadit ja beroštusovddasteaddjiide láidagat

Finnmárkokomišuvdna mearridii skábmamánu 27. b. 2015 áššis 35/15 dárkilat eavttuid mo nammadit beroštusovddasteaddjiid ja beroštusovddasteaddjiide láidagiid. Dát bohtet juovlamánu 2009 eavttuid ja láidagiid sadjái.

1. Álggahus

Finnmárkokomišuvdna sáhtta nammadit beroštusovddasteaddjiid finnmárkkulága § 32 goalmát lađđasa mielde: *“Fuolahan dihtii áššebeliid beroštusaid sáhtta Finnmárkokomišuvdna nammadit iešguđet beroštusjoavkkuid ovddasteaddjiid guđet sáhttet komišuvnna barggu čuovvut. Dáid ovddasteaddjiid goluid máksá stáhta”*.

Árv. O. nr. 80 2004-2005 s. 20 mearkkašupmi čuodjá ná:

“§ 32 lađđasa mielde sáhtta Finnmárkokomišuvdna nammadit iešguđet beroštusjoavkkuide ovddasteaddjiid guđet besset komišuvnna barggu čuovvut. Dát ortnet lea muhtinlágan riekteveahkkedoaiman ja lea jáhkkinis sihke beaktileabbot, hálbbibut ja riido-láivudeaddjibut go ahte stáhta galggašii máksit iešguđet berošteaddji advokáhtagoluid.”

2. Komišuvnna eavttut mo beroštusovddasteaddjiid nammadit

Juohke beroštusjoavkkus sáhtta nammadit ovttá beroštusovddasteaddji (vrd. 2.1 čuo.) daid guovlluide maid komišuvdna mearrida finnmárkkulága § 30 olis.

2.1 Finnmárkokomišuvdna sáhtta iešguđet guovlluin nammadit ovttá beroštusovddasteaddji dáid beroštusjoavkkuide:

- báikkiolbmuid meahcásteapmi
- boazodoallu
- eanadoallu
- mearraluossabivdu
- olgunastin
- riddo- ja vuotnabivdu

Komišuvdna sáhtta lassin nammadit beroštusovddasteaddji eará beroštusjoavkkuid ovddas dahje mángasa seamma beroštusjoavkkus, jus guovllu hápmi lea dakkár dahje eará ákkat dan bearihit.

2.2 Eavttut mo beroštusovddasteaddjiid válljet

Komišuvdna čállá servviide ja eará guovddáš beroštumiide/ovttastemiide ja bivdá dain/sis namaid soapmásiin guđiid sáhtášii nammadit. Komišuvdna bivdá evttohit albmá ja nissona. Evttohasaid ferte vuodustit. Oktan bivddedettiin evttohasaid, de galgá nammadeami eavttuid ja láidagiid birra muitalit. Evttoheaddji ferte evttohasaide dovddalmahttit ahte sii leat evttohuvvon.

Finnmárbokomissuovdna dahká mearrádusa konkrehta oppalaš árvvoštallama vuodul, mas dát eavttut biddjojit vuodđun:

- Máhttu meahcásteamis dan guoski guovllus, ja dan ealáhusas/beroštusjoavkkus man ovddas ovddasteaddji galgá nammaduvvot.
- Servviid dohkkeheami. Jus sierranas beroštusjoavkkut/ovttastumit evttohit seamma nama, de komissuovdna dán deattuha.
- Guovllu/báikehistorjjálaš máhtu.
- Máhttit gulahallat ja juogadit máhtu.
- Máhttit sámegiela dahje kveanagiela.
- Goappašat sohkabealit galgaba leat ovddastuvvon uhcimusat 40 %:in.

2.3 Guoskevaš evttohasaiguin oktavuohta

Ovdal nammadeami galgá Finnmarkkomissuovdna váldit oktavuođa vejolaš evttohasaiguin. Sis jerrojuvvo ja sidjiide mitaluvvo barggu, viidodaga ja vuordámušaid birra.

3. Beroštusovddasteaddjiid láidagat

§ 1 Ulbmil

Iešguđet beroštusjoavkkuid beroštusovddasteaddjiid nammadeami ulbmilin, galgá leat fállat muhtinlágan riekteveahkkesullasaš doaibma áimmahuššan dihtii oasálaččaid beroštusaid, vrd. finnmárbokolága (láhka geassem 17. b. 2005 nr. 85) § 32 goalmmat lađđasa ja dása mearkkašumiid vrd. Árv. O. nr. 80 2004-2005 s. 20.

Beroštusovddasteaddjit galget čuovodettiin komissuovvna barggu, leat veahkkin sihkarastimin buoret vuodu komissuovvna bargui ja iešguđet guovlluid loahpparaportii.

§ 2 Mandáhtta ja bargoviidodat

Beroštusovddasteaddjit galget nu guhkás go vejolaš buktit máhcahemiid ja árvalusaid daid áššedovdi guorahallamiidda maid Finnmarkkomissuovdna lea háhkan.

Beroštusovddasteaddjit galget dasto leat veahkkin faktadieđuin komissuovvna ektui, sáhttit ráhkadit álkidis guorahallamiid, máhcahemiid vuogatvuodadieđáhusaid hárrái, árvalit vihtaniid/informánttaid ja leat veahkkin dieđuid juohkimis guoski beroštusjoavkkuide ja báikegottiide.

Beroštusovddasteaddjit leat geatnegasat ieža čuovvut mielde guorahallamiid sisdoalus, dieđáhusain vejolaš vuoigatvuodáid hárrái ja eará guoski dieđuid birra, maid komissuovdna sádde dahje man birra dieđiha ovddasteaddjai.

Beroštusovddasteaddji guhte lea oasálaš muhtin ovddiduvvon gáibádusas komissuovvnii, ferte dakkaviđe komissuovvnii dán birra dieđihit.

§ 3 Bistu

Beroštusovddasteaddjit leat nammaduvvon nammadanáiggi rájes ja dassázii go komissuovdna lea geigen guoski guovllu raporttastis, vrd. finnmárkkulága § 33.

§ 4 Čoahkkimastimat

Berošusovddasteaddjit fertejit ovdehit veaháš čoahkkinnastimiid nammadeami olis. Finnmárbokomášuvdna gohčču berošusovddasteaddjiid čoahkkimiidda čálalaččat, ja sádde ovddasteaddjiide daid áššebáhpáriid mat ležžet buori áiggis ovdal čoahkkinnbeaivvi.

§ 5 Máksu čoahkkinnastimiid ovddas

Máksu lea dan mielde mii bohtá ovdan stáhta máksomeriid ja njuolggadusaid lávdegoddemávssuin.

Máksojuvvo dušše daid čoahkkimiid ráhkkannemiide ja searvamiidda, maidda Finnmárbokomášuvdna lea berošusovddasteaddji čálalaččat gohččun.

§ 6 Mátkegolut

Mátkegolut čoahkkinnsearvama oktavuodas masa komášuvdna lea rávkan, máksojuvvojit stáhta máksomeriid mielde mat bohtet ovdan váldotariffašiehtadusas.

§ 7 Eará golut

Máksu guorahallamiid ovddas maid Finnmárbokomášuvdna dáhtošii berošusovddasteaddji čađahit, šiehtaduvvo ovdagihtii gaskal komášuvnna ja berošusovddasteaddji.

§ 8 Geassádeapmi

Finnmárbokomášuvdna sáhhtá mearridit ahte dat berošusovddasteaddji ferte geassádit, guhte komášuvnna ovdii lea ovddidan gáibádusa. Juohke áidna háve árvvoštallo soahpá go gáibádusovddideaddji sadji berošusovddasteaddji sajiin.

Finnmárbokomášuvdna sáhhtá maiddái mearridit ahte dat berošusovddasteaddji ferte geassádit, guhte mángii jávká čoahkkimiin.

§ 9 Fápmuiboahtin

Dát láidagat dahkkojit gustojeaddjin daid beroštušovddasteaddjiide guđet nammaduvvojit skábmamánu 27. b. 2015 láidagiid mearrideami manjil.
